



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt XXXVI.

urn:nbn:de:hbz:466:1-11227

quarto Hildesheimensium Episcopo; qui primas duas eius loci Abbatissas designasse & velasse dicitur.

CAPVT XXXVII.

HAMBURGENSE ET BREMENSE
collegia in Germania.

S Ansharius primus Episcopus Bremensis & Hamburgensis, præclarus omnium Aquilonarium regionum Apostolus, sedit in Episcopatu annis triginta quatuor; primùm annis septem Hamburgi, post Hamburgi à barbaris vastationem, annis nouem in Ramsola; reliquis verò annis Bremæ: vbi in matrice Ecclesia S. Petri sepultus est, in quam S. VVillehadum transtulerat. In primo adolescentiæ flore regulam S. Benedicti professus est in Francia Corbeia. Inde cùm in nouam Saxoniam Corbeiam commigrasset, *Haraldus* Rex Danorum à Ludouico Augusto auxiliũ petijt. Quod ei Imperator promisit, si vellet fidem profiteri Christianam; fidem igitur Rex recepit, quem Imperator de Sacro fonte leuauit, & in filium adoptauit. Dum autem vterque quæreret prædicatorem in Aquilonarem regionem mittendum, vtrò sese *Ansharius* obtulit, nihil territus barbaricæ gentis crudelitate. Hac occasione paulò post, cùm Aquilonis regna Diuini verbi illustrasset prædicatione,

CAPVT XXXVI.

FRAVVENMVNSTERIENSE COL-
legium Tigurinum Canonissarum, apud
Heluetios.

Dominarum Monasterium in sinistra Li-
magi situm, vulgò *Fravvenmunster zu*
Zurch, Canonissarum, ex illustribus plerum-
que Principum, Comitum, ac Baronum fa-
milijs natarum amplissimum opulentissimū-
que olim collegium, fundatur anno Domini
833. in pago Tigurino, à Ludouico Germaniæ
Bauariæ, & Esterfrancorum Rege, Ludouici
Pij filio, Imperatoris Caroli Magni nepote,
Lotharij verò Imperatoris fratre. Is huic cœ-
nobio ius & aduocatiâ Tigurini pagi, in Du-
catu Sueuiæ ac Turgouienfi tractu siti, cū *Vri*
Lepontiorum & *Vrsellanorū* pago possiden-
dum dedit.

GANDERSHEYMIENSE COLLEGI-
um in Ducatu Brunsvicensi.

Gandersheymium magnificum & exi-
miè opulentum virginum ex nobili
Principum ac comitum stirpe natarum colle-
gium veriùs quàm cœnobium, in eiusdem no-
minis Brunsvicensi oppido situm, extrui
& fundari cœptum est anno Domini 842. à
Leodolpho vel *Leutholpho* magno Duce Saxonū;
consecratum anno Domini octingentesimo
quingagesimo secundo. à Sancto Alfrido
quarto